

Reunionnan cu formado di gobierno a sigui

Construccion di Green Corridor Aruba por genera 100 miyon extra den caha di gobierno

ORANJESTAD - Trabaonan di inventarisacion a continua pa yega na formacion di un gobierno nobo y formula tambe e puntonan importante di salida pa e gobierno nobo. Den e presentacion cu formado Mike Eman a haya for di gobernador di Aruba y den su peticion pa locual ta trata e puntonan di prioridad pa forma un gobierno nobo y e puntonan di atencion cu e go-

bierno nobo lo mester duna, a wordo hopi accentua e aspecto di desaroyo economico di Aruba, e aspecto di e desaroyo di un di tres pilar economico di Aruba, e aspecto di calidad di bida y tambe di condicion social, con ta trece nos comunidad hunto y tambe aspecto di entrada di gobierno, tanto basa riba kico ta bay haci cu nos economia den futuro y con ta bay yega tambe


na un presupuesto balansa.

PRESENTACION

Den e cuadro aki di e desaroyo economico, a papia cu e ekiponan responsabel pa loke ta trata e mudamento di waf y tur su oportunidadnan y ayera tabata tin un presentacion di e team cu ta trahando riba e proyecto di Green Corridor y tambe e team cu ta trahando riba e proyecto di Watty Vos Boulevard, conoci den comunidad como Ringweg 3, cu ta bira e 4baansweg, for di Aeropuerto, pasando rond di Oranjestad pa yega bek riba Boulevard. Segun Eman, e proyectonan aki tin diferente impacto importante pa e obhetivo di e gobierno nobo, manera formula tambe den e carta di gobernador. Na prome luga nan ta bay encera un inversion cuantioso den economia di Aruba.

UN PROYECTO DI 100 MIYON FLORIN

Den e caso specifico di e Green Corridor, ta papiando aki di un proyecto cu lo bay



inicia na comienso di 2014, cual ta e pre-work, cu ta e conexcion entre e area di Barcadera y e 4baans weg. E Green Corridor cu ta e caminda cu ta haci posibel pa e trafico cu ta bay bin for di e desaroyo di e Waf di container cu esey tambe por haya su caminda riba e Green Corridor y no tin cu pasa mas cu ta un molester pa e comunidad di Cas Paloma, Parkietenbos y Simon Antonio y Mahuma. E areanan

aki conoce hopi aña di trafico pisa y tambe di molester di ekiponan pisa cu ta pasa eyan y cu e caminda cu ta bay conecta Barcadera y e Green Corridor ta bay crea un alivio grandi pa e areanan aki den futuro. Esey ta e prome fase di e Green Corridor y sigui despues den mita di 2014 ta cuminsa, si tur cos cana bon, e proyecto lo por inicia.

Continuacion riba Pag.8



Construccion di Green Corridor...

Continuacion di Pag. 7

Tin e parti di financiamiento cu esnan cu haya e proyecto, tin cu traha riba dje ainda, pero ta mira cu den e di dos mita di aña 2014, e construccion di e Green Corridor pa cuminsa, lo ta un proyecto cu lo tuma mas of menos 2 aña y lo tin un inversion di 100 mion florin directamente den nos economia durante dos añanan ey.

CREACION DI OPORTUNIDAD

Segun Eman, aki tin cu papia di hopi creacion di empleo, hopi oportunidad tambe pa companianan local por participa den tur aspecto di e proyecto aki, pasobra e proyecto aki no ta unicamente di infraestructura, den e sentido tradicional di pone asfalt, pero e proyecto aki tambe tin un parti importante di su accento ta embeyece-mento di e area entre caminda y casnan. Por imagina den e areanan di Pos Chikito, Savaneta, Cura Cabay, Brazil, hopi di e areanan aki entre ca-

minda y casnan, lo bay wordo embeyece, ta bay bin parke, ta bay tin fietspad, walkways, luganan di recreacion, hopi aspecto ta bin como parti di e proyecto aki. Esey ta naturalmente algo hopi positivo pa tur e bisindarionan ey caminda esaki lo pasa.

SONDEO DI POSIBILIDAD

Di parti di DOW, Sr. Marlon Croes a comenta cu nan a sinta cu formado Eman, pa asina dun'e un update completo riba e estado di e proyectonan menciona.

Den e proceso aki, un parti hopi importante cu e bin dilanti ta banda di e meta principal, ta pa conecta diferente parti di Aruba. formado kier pa DOW sondea e posibilidad den e proyecto aki, pa mira kico ta e oportunidadnan cu por saca afo cu Aruba por haya spin off economico cu por bira duradero.

EXPORTACION DI CONOCIMIENTO

Croes ta sigui bisa cu aki por exporta e uzo conocimiento

cu a bin ta adkiri pa dos aña pa nos islanan ruman Corsou, Boneiro, St. Maarten y tambe den region di Caribe, caminda por sostene otro pais of islanan, cu ta den proceso di inicia proyectonan den PPP (Public Private Partnership).

E PROME CU PPP

Como cu Aruba, den e area den region di Caribe, ta e lider na e momentonan aki. Si yega na un "financial closer" pronto, Aruba lo ta e prome pais den e region di Caribe cu tin un PPP cu lo inicia exitosamente y a base di esaki experiencianan cu nan a adkiri riba e parti financiero, huridico, tecnico y con ta haci uzo di infraestructura pa por aumenta e calidad di bida di e ciudadanonan, cu por sostene socionan den reino den e parti di Caribe y tambe islanan den Caribe. Croes a enfatisa cu Aruba su meta ta pa crea un centro di conocimiento cu por sostene, guia proyectonan den Caribe y ademas tambe pa ta un "Independent Advisory Board" pa e otro islanan den Caribe. □